

Ne kwōmaron kar kebaak hMPXV (Monkeypox)

Ejab bidodo an hMPXV ajeeded. Nan am bōke, kwōj aikuj an kilim añuri juon armij eo ewōr an nañinmijin hMPXV. Kwōmaron bar bōke hMPXV jen am ejōb nuknuk, kein kiki, ak mweiuk kio jet emōj aer añuri nennab ko ibben armij eo enañinmij. Ediklok ien, nañinmij eo emaron walok ilo ien an armij bed iturin doon iomwin juon ien aitok (lablok jen 3 awa).

Melele kin joñan uwōta eo kwōbed ie

Ñe kwar bed iturin juon armij eo ewōr an nañinmijin hMPXV, rijerbal ro an public health remaron bar kenono ibbam ñan aer bōk melele ko relablok. Mennin enaj jibañ lale joñan uwōta eo kwōbed ie im elañe kwōj aikuj bōke wā eo. Lelok wā ñan juon armij eo ear kebaak nañinmij eo emaron jibañ bōbrae aer bōk nañinmij eo ak kakōlkōl ko rekauwōtata.

- **Ne elab joñan uwōta kin am kar kebaak nañinmij:** Lale ñe ewōr piba ak kakōlkōl ko jet einwōt emōj laajrak ijin lal. Emōj rōjañ wā.
- **Ne ebwe joñan uwōta kin am kar kebaak nañinmij:** Lale ñe ewōr piba ak kakōlkōl ko jet einwōt emōj laajrak ijin lal. Lomnak am bōke wā eo ñan kejbarok kwe jen nañinmijin hMPXV eo kauwōtata. Kenono kin ta ko kwōmaron kōmmane ibben rijerbal in public health im taktō eo am.
- **Ne edik joñan uwōta in am kebaak nañinmij:** Lale ñe ewōr piba im kakōlkōl ko jet. Kwōjab aikuj wā.

Lale kakōlkōl ko

Jabdewōt armij eo ear kebaak nañinmijin hMPXV ej aikuj lale ñe ewōr kakōlkōl kein ibben:

- nennab kāāl
- piba ≥ 100.4
- ebbōj lōpper
- bio

Lale joñan bwil in enbwinnim ruo alen ilo juon raan. Lale ñe ewōr kakōlkōl ibbam iomwin 21 raan alikin ien eo kwar kebaak nañinmij eo aliktata. Kakōlkōl ko remaron jino walok jabdewōt ien kōtaan raan 5 im 21.

Ñe enaj walok kakōlkōl kein ibbam, kōjenolok kwe make jen ro jet im kall ae lok opij in ejmour eo ilo jukjukinbed eo am ñan melele ko relablok.

Melele in Kajinet

Toon wōt an ejellok kakōlkōl ibbam, kwōmaron woñmaanlok in jermal, jikuul, im kōmmane makūtkūt ko jet.

Jab bed iturin armij eo enañinmij mae ien emōj an lukkun jako nennab ko ibben. Jab lelok bōtōktōk, pek, milik in ittut, kaneek in enbwin, ak men ko jet kwōj lelok einwōt men kein ilo ien am lale ñe ewōr kakōlkōl ibbam. Ñe elab joñan am kar kebaak nañinmij, jab ito tak ilo wa ko ilobelej mae ien raan eo 21 ejemlok am lale ñe ewōr kakōlkōl ibbam. Ñe kwe juon rijermal ilo jikin ejmour, ba ñan jikin jermal eo am kin am kar kebaak nañinmij eo.

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Jikin Melele eo kin COVID-19 ilo 1-971-673-2411, 711 TTY ak COVID19.LanguageAccess@dhsosha.state.or.us